

ト
笠
全
書

上卷全書卷之六

天玄賦

上

混沌之初。茫然未判。始因盤古立太極而分兩儀。爰及伏羲定陰陽而畫八卦。周室文王演易。魯邦孔子繫辭。察飛伏於八八。六十四卦之中。定吉凶於三百八十四爻之內。包羅天地。可知物外夤緣。道合乾坤。何況人間禍福。

○總論提綱

吾人問上。必因動靜吉凶。學者推占。要識淺深高下。

秘旨雖傳于人口。奧妙實出乎天然。事有萬殊。理無二致。須識靜中有動。當明吉處藏凶。靜者動之機。吉者凶之本。如逢卦靜專尋暗動。及空亡。若見爻興。便察吉凶分造化。諸爻並吉。更防吉處藏凶。大象皆凶。須識凶中有吉。若逢亂動。先觀用爻。用爻有彼我之分。得失從衰旺而決。六爻上下。吉凶全係乎日辰。一卦中間。主宰莫逃乎世應。細察生旺墓絕。精詳剋害刑衝。吉凶繇此而分。禍福從茲而定。貴人乘祿馬。縱非吉慶也無凶。天喜會青龍。雖遇悲哀終有喜。白虎

動本非佳。況惟孕育反作吉神。子孫興。總曰祐祥。問功名。偏爲惡客。官鬼不宜持。世求名。婚娶兩相宜。妻財俱喜。扶身父母文書。偏畏忌。玄武陰私。兼失脫胎蛇怪。異及虛驚。朱雀本主官非。仕宦當生喜美。勾陳職專田土。行人終見遲留。

○身命章

凡占身命。先察用爻。

造化生物之初。先有人身。而後有萬物。故首章先言身命。未可便將卦名妄斷。剖决高低。必須參究用爻。動靜興衰。刑衝寇害。及空亡等象。取其端的。方可決吉凶禍福。貴賤賢愚。伯子公侯。從茲定矣。

卷之二
刑者害衝斷一生之得失。

刑者三刑子刑卯卯刑子寅刑巳巳寅申申刑寅
丑刑戌戌刑未未刑丑辰午酉亥自刑巳上所言
刑者爲陰陽反德凡占有日辰刑動爻刑若刑父
母則雙親損刑財爻則妻妾傷骨肉逢刑無不傷
殘却看在何限中便知何年刑魁其餘倣此推詳
杖者陰陽不相和故相杖也凡遇財福吉神杖我
仍吉鬼殺凶神杖我大凶害者穿心六害也乃恩
未結怨已生也子衝午午合未是謂子未六害寅
衝申申合巳是謂寅巳六害卯衝酉酉合辰是謂
卯辰六害餘皆倣此六害見之骨肉情疏六親分
薄夫妻不協子息難招衝者子午卯酉辰戌丑未
寅申巳亥對衝是也有年月衝日辰衝世應衝凡
財福逢衝則凶鬼殺逢衝則吉爻雖安靜見衝則
爲暗動動爻遇衝則散空亡遇衝則不空衝則動
動則戰戰則爭矣

興衰動靜決三限之榮枯

有大象旺衰。有爻象旺衰。凡十身命得大象旺。亦是好處。稱是壯實根基。更得爻象吉利。乃十全之造化。大抵卦旺不如爻旺。人之根源係于卦。不係于爻。命之吉凶。在乎爻。不在乎象。更看動靜吉凶。三限榮枯。實決于此。

遇財福則富貴榮華。

妻財子孫者。雖爲吉神。若遇旺相。有氣或帶貴人。并進神臨于卦中。得地之處。却來生合世爻。貴則加官。進祿富則發福。生財更得日辰月建。青龍同位。乃大發大旺。縱臨螣蛇白虎。亦不爲凶。小有盤折。不能傷害大體。但怕衝破。并受尅。方爲無用。凡占須看立于何限中。便知何時發達。若臨正卦外。三爻支卦內。三爻稱爲得地。臨于正卦內三爻。名爲落陷。若在支卦外三爻。稱爲晚景之福。

遇兄鬼則貧窮破敗。

兄弟官鬼二者皆非吉神。卦中若遇兄弟發動爭訟是非分門割戶或破耗資財或生涯冷淡皆因此也。官鬼主疾病患難加朱雀官符有口舌官災加玄武天賊有逃亡失脫加白虎喪門主喪亡孝服凡占遇之無氣不動猶可旺相發動最凶若衝散受財及落空亡此等限中以平爲福若正卦外三爻支卦內三爻遇之最不爲佳正當成立之時遭此凶惡之輩安有發福之象若在蚤歲顛沛盜逃或當暮年終無結果。

已是平生之本應爲百歲之妻。

人生一世貴戚高低合爲何等人物但將世爻爲主若得天貴祿馬竝立又有吉神生扶無凶殺衝魁方富貴根基清高品格若與內殺併立或被惡報刑衝則無吉神救解乃貧賤之徵無成之兆若

逢此空景爲不美。當有大難。惟有九流術士之人。
久僧道之輩。反爲吉兆。是空手求財。財去財來。終
無積聚。世應二爻。乃一卦之主。凡占以世爲已。應
爲妻。若與青龍吉神竝立。其妻必賢。咸池玄武竝
立。其婦必淫。世爻無氣。受應尅。必然。
妻奪夫權。應爻若落空亡。妻宮有損。

相生相合。必然諧老齊眉。相尅相衝。決定終朝反目。
世應二爻。若得相生相合。一生如魚得水。如逢相
尅相衝。百歲似木投炭。生合之處。逢衝始諧。和其
後被人搬弄。若應來尅世。本不爲佳。却得動爻射
應。或被日辰衝破。則始雖不和。以後得人解勸。終
歸好合。若世應此和。自然兩無高下。

財爻動。則父母刑傷。兄弟興則妻宮重疊。

財爻持世。或動則父母受尅。其人必早失怙恃。或
過房離祖。重拜爹娘。若兄弟交重。或臨世位。其人

妻官受傷必主斷絃再續晚歲重婚父母動則難爲子息官鬼與則損害弟兄惟有子孫持世財爻有氣一生衣袞自然親賢近貴永年和合

若臨傍位稍減災殃

言前妻財兄弟之類不臨世上在他爻發動其災殃稍可以是推之學者自當通變

咸池凶殺臨身出處必然微賤

咸池殺見後神殺章內此殺若臨世爻或臨父母爻皆主出身微賤之家更看卦無貴人吉神必非高上之士

祿馬貴人持世立身須主清高

貴人天也凡占得貴人持世祿馬同鄉必然立身清高不可斷曰庸人

卦位六衝半世求謀蹭蹬。

子午卯酉之類爲六衝。凡占得之。其人作事有始無終。少或多敗。前卦六衝三十年前生涯冷淡。後卦六衝三十年後漸覺蕭條。前後皆值六衝。一世不能成就。爻中縱有吉神爲事。亦當蹭蹬。

爻逢六合一生動用和諧。

子與丑合之類。凡占卦逢六合。其人和悅秀氣。善與人交。謀事多成。行藏無阻。前卦六合三十年前步步春風。後卦六合三十年後滔滔發福。前後皆逢六合。一生遂意。到老榮華。

男帶合則俊秀聰明喜見青龍財福。

卦中吉凶不可一槩論。亦有淺深之分。且如卦逢六合爻象皆凶。難以吉斷。然須參究淺深剖分。高下。若占男子命。卦中帶合必須青龍財福旺相。得地方可斷。日聰明俊秀之士。依此推之。庶無差忒。

女帶合。則澆浮溼沫。怕逢玄武咸池。

女人得六合。却不爲佳。若有吉神貴人在位。則無虞。反主秀氣聰明。儀容端正。若見玄武咸池在位。必主澆浮溼沫。放蕩無端。行多不正之婦矣。

遇進神。則吉盛凶多。遇退神。則吉衰凶減。

進神者。甲子甲午。己卯己酉。退神者。壬戌壬辰。丁丑。丁未。凡遇進財福吉神。則吉。遇鬼殺凶神。則凶。大凡進神遇吉。則吉盛。逢凶。則凶多。退神遇吉。則吉少。逢凶。則凶衰減矣。

玄武持世。爲人慳惜奸雄。白虎扶身。賦性剛強狠毒。

青龍持世。爲人慈祥愷悌。見人和顏悅色。朱雀持世。急于言詞。多招謗訕。勾陳持世。爲人穩重。行事遲鈍。螣蛇持世。爲人多心機。無信實。虛浮詐偽。白虎持世。爲人剛強好勇。狠戾心毒。玄武持世。爲人

陰詣暗算。狡譖多端。若與兄弟同居。其人貪財。惜嗇。

此則一生之禍福。須言三限之榮枯。

已上所言吉凶休咎。總論一生禍福。猶未及于三限。此後分別三限。以證前言。得失榮枯。從茲定矣。
初爻管五年。二爻管五年。三爻管五年。共十五年。
後三爻亦管十五年。共三十年。支卦亦管三十年。
却看爻上無阻。一年一位。數至壽終。

內三爻管十五年。遇吉神。則大人蔭庇。

吉神貴人祿馬。幼年蔭庇之下。享現成之福。不可便斷發福發財。若動爻臨于鬼殺。自幼多災多患。

外三爻管十五載。遇凶神。則小輩欺凌。

十六至三十。正當成立之初。未免爲人所欺負。若見官鬼凶神發動。多因小人侵侮。大則官府逼脅。

當究淺深斷其凶吉。若是吉神發動。從此享福無窮。

要知發福發財。支卦內三爻爲主宰。

人生世間成立家業。皆在三旬以下五旬以上。未至此其力未加。若過此光陰已錯。凡占論成立專看支卦內三爻。若財福兼全者。有成之造化。晚景縱不佳。終須有根底。若遇鬼殺空亡。一生虛負心機。徒勞奔走。終無結果收成也。

若欲斷生斷死。支卦外三象爲提綱。

支卦外三爻。管十五年。自四十五至六十。稱爲晚景。乃結局之時。無毀無譽。不過論壽。凡觀至此。緊着眼看。凶神惡殺。若有魁戰。須忌傾危。

遇吉神。則見險無危。遇凶神。則逢屯卽死。

如遇吉神則雖經險阻之處亦可轉禍成祥不至危殆若遇凶殺則稍有坎坷便成大咎以至絕地後卦如無凶殺前爻世上重等一年一位細推詳萬死萬生從此決。

後一卦如無凶殺其壽在六旬之上却從前卦世上重等一年一位數至壽終若步步遇吉神其壽綿遠若逢凶惡殺即便喪黃泉萬死萬生從茲定矣

莫將緊節亦比常占

占人之命關乎大造非可輕斷必須潛究根源察其衰旺動靜剋害刑衝自家把捉得定方可與人決斷告凶剖分得失若不察其淺深高下妄行決斷而無差誤未之有也

○伉儷章

天命稟有生之初。非今可易。

死生有命。富貴在天。命稟有生之初。非今可易。莫知爲而爲。非我所能必。但當順受而已。

夫婦乃人倫之大。自古爲先。

有夫婦然後有父子。故五倫之中。首先夫婦。

世爲婚。應爲姻。須要相生相合。

世爲男家。應爲女家。相生相合。定有成就之象。生合處。須防衝剋。恐將成而被破阻。衝犯處。若得生扶。不成之際。得人贊協矣。

鬼爲夫。財爲婦。最嫌相害相刑。

財鬼皆要旺。相爲吉。最嫌三刑六害。發動成凶。

陰陽得位爲佳。夫婦俱全協吉。

陰陽得位有兩端。有卦象外陰內陽。有應陰世陽。二者皆爲得位。一陰一陽之謂道。純陰純陽之謂鬼。純陰不生。純陽不化。一陰一陽爲夫爲婦。又曰占婚用爻。首要財鬼。二者俱全。稱爲大吉。一云。男占婦以財爲主。女占夫以鬼爲主。其理倣此。設或財鬼不上卦。或落空亡。其婚難成。縱成亦爲不吉。

世生應。乃男求女。應生世。乃女貪男。

且如應雖生世。奈緣逢墓絕。雖然相貪尚在。躊躇之際。若得動爻相生。必賴媒妁之力。如世爻生應。奈世被日辰衝。男意雖濃。被人間阻。事體又在難成也。

世位逢空。當見男心退悔。應爻有動。必然女意更張。

世空男悔。應空女悔。縱有吉神。亦難成。若世應俱發動。必然事有改張。動處若逢日辰合。任君不願。

也須成

世應比和功全資于媒妁。陰相交錯事亦係乎因緣。

世應比和本無成就之理。若得媒爻動合世應其事亦成。陰陽爻錯乃世應不得位也。若大象可成亦當入贅不然夫婦相凌也。

應旺則女室豐隆。世墓乃男家貧乏。

夫占婦若應位月建旺乃素封之家。若月建雖旺日下休囚必近年稍退資財若婦占夫要世爻旺相則男家豪富入墓休囚必主貧乏。本宮雖旺而世鬼俱衰止是虛名而已。

子孫發動中途必見傷夫。兄弟交重異日終須失婦。

子孫爲福德卦中不可無宜靜不宜動若帶貴臨吉神動乃妻奪夫權或鬼旺不受剋若加天寡及

凶殺必主傷夫旺相則急休囚則緩兄弟爲尅財若發動必喪其偶若得鬼動及日辰衝破庶可解

財空妻失鬼空夫亡。

財鬼空亡占婚大忌本非成就之象。

若干支相合世應相生半世夫妻也。

男子兩財逢二姓絲蘿之好陰人兩鬼再一番桃李之鮮。

男占女見兩財一旺一空曾作兩度新郎若兩財不空惟帶桃花必一正一偏女占男見兩鬼一旺一空定主重婚再醮若兩鬼旺不空日辰

刑衝財爻或動爻尅財必是生離改嫁。

財動則傷尅公姑父興則難爲子息。

財爻持世必不能奉事公姑安靜猶可若發動則主刑傷也父母發動主難于子嗣若帶凶殺主生

後有損遇救猶可

逢衝則主無害

財鬼同居一卦必然親上成親前後皆值六衝當見退後還退

財鬼共一卦中此易成之兆若世應財鬼相生相合必然親上成親前卦值六衝必會許聘復退後卦又六衝成後又當見退若被日辰合住雖欲退悔不可得也前卦衝而後卦合當見退後還就

日辰合世須逢貴客維持惡殺衝身必被他人說破

日辰臨天喜或貴人合世應必有權貴之人前來維持說合若日辰惡殺衝克身世必有小人破門若得動爻來援則無害也

卦無父母應無雁幣迎門

父母爲主婚。又爲聘儀卦。
中無父母。必無雁幣之禮。

財值青龍。會見鸞粧耀目。

財與青龍會合。必粧奩
之資茂盛。綺彩奪目。

鬼化鬼終。須反覆兄化兄。見阻方成。

鬼本動爻。不宜變動。靜化猶可。動化非宜。必主事體。反覆遲滯。兄弟乃阻隔之神。兄又化兄。若大象不吉。婚難成。

世應三合咸池。擬定先通後娶。財鬼一臨玄武。定知眼去眉來。

應與財。若加咸池。臨玄武。與世并鬼合。必是先通後娶。若與傍爻合。必與外人有情。應加咸池。玄武。

婦淫世爻夫淫咸池若逢日辰衝雖淫不濫若見貴人動來尅却不能淫主其人容儀美麗多情好歡逢旺尤甚死絕稍輕若咸池會進神動來生合其人淫心蕩漾恣意非爲若會退神或退神來尅雖有欲心未嘗有實不過眼去睂來

要知女貌妍媸推究財臨九曜。

推九曜以別妍醜若財帶貪狼俊好財帶巨門其面貌圓臉紫色黑祿存主有疾廉貞主淫貌美武曲潔白中貌破軍必有破相文曲形貌瘦長爲人柔弱左輔右弼同巳上好者怕衝惡者怕扶欲識男材長短參詳鬼值五行。

凡人稟五行而生其形象亦不離于五行當用推詳

若窮兩處精微更五六神推究。

君遇青龍爲人和氣俊秀工巧曉事能家業省快
言語多口舌加發多招誹謗喜生是非勾陳爲人
純厚穩重有規矩不動則無轉變螣蛇有心機多
疑慮白虎性急狠毒不仁玄武私曲奸邪若有吉
神制則不然反

主聰秀伶俐

咸恒節泰百年似魚水之相投。

咸恒節泰但取其陰陽得位世輩應拆不相奪倫
論財鬼俱全咸卦未得盡美也以上四卦若又有
日辰生合吉神發動者歡諧到底如魚得水也若
見用爻落空凶神衝犯又不可以一槩斷爲吉也
咸恒節泰百年似魚水之相投。

睽革解離一見如炭冰之相遇。

睽者乖也上火下澤金火同居豈無傷尅故不利
革者變也革故鼎新之象占婚遇之當有爭婚改
嫁解者散也占婚宜合不宜分離
者六衝之卦純陰之象故云不吉

間爻旺相須知月老英豪。

世應中間爻象似乎媒妁
若旺相主水人豪俠有力

兄位交重定是水人詭譎。

兄弟動生作伐之
人從中詐僞也

與世應相生相合必然一處沾親。

同爻與世應生合
必主親朋結契

如雀虎相尅相衝擬定兩家相怨。

朱雀白虎臨于世應衝射
雖聯姻眷終結兩邊怨惡

欲知退步須察空亡。

此說上文也。應相生合。及雀虎相衝。
乾若值空亡。卽當退步。不可如彼斷。

○六甲章

旣已論於婚姻。次合占其產育。子孫旺相。若臨陽象。定生男。福德休囚。更值陰爻。當是女。

子孫在單重爻爲男。拆爻爻爲女。或子孫雖屬陰爻。得日辰及動爻天喜扶持。亦主男。子孫雖屬陽爻。被日辰刑衝。及動爻。亦主女。

陰包陽。則桂庭添秀。陽包陰。則桃洞得億。

若子孫爻屬陽。初爻六爻屬陰。此陰包陽也。生男。子孫爻屬陰。初爻六爻屬陰。此陽包陰也。生女。發動青龍。當見臨益有慶。

青龍爲孕育之神，最宜旺。
相當權，發動必生貴子。

爻重白虎，乃知坐草無虞。

白虎爲血刃，他事不宜。惟臨產最喜。若輔于庚申辛酉爻上，發動更快，緣白虎爲破胎，爲催生，故也。定吉凶於內一卦之中，乾離坎兌則易產。

乾爲首，離爲目，坎爲耳，兌爲口。此四卦在內象，則易產。言其頭目耳口先出，是順行，故產爲易也。決禍福於外三爻之下，坤艮震巽則難生。

坤爲腹，艮爲手，震爲足，巽爲股。此四卦，在內象，必是難生。逢旺愈難，有解救半吉。兄弟空，則妻位無傷。父母興，則子宮有損。

壯妻財，乃兄弟也。兄弟空，其妻無傷。子孫所制者父母，若父母獨發，子孫必不全矣。

若加凶殺立見刑傷。

以上兄弟父母帶吉神發動雖凶
弗咎若加凶殺必定傷胎害母

天喜若值螣蛇定叶麒麟之夢。

螣蛇者乃虛幻恍惚之神臨陽鬼日主虛驚臨陰
鬼夜生怪夢更加天喜必會感應吉夢而生麟鳳

子之

咸池倘臨玄武必生汗血之駒。

咸池玄武皆淫佚之神若二神相會合必生汗血之駒汗血者婢妾所生之子

六爻最怕空亡諸位皆嫌鬼值。

六爻之中初產母二胞胎至上皆有關係故不宜空鬼爲占產所忌故六爻皆惡之

鬼臨初位。必然產母當災。鬼入二爻。當見胞胎不穩。

初爻產母鬼在初爻故產母有災
二爲胞胎鬼若臨之主胞胎不實

空亡必墮胎虛喜帶殺則臨產艱難。

子孫空及二爻空主墮胎
若帶殺神主分娩時受苦

若逢鬼值五爻。始得福生萬彙。

五爻爲攸生婆
官鬼臨之則吉

○求仕章

有子萬事足。當如儀儼佩儒緝。無官一身輕。誰佐禹湯及文武。欲作大廷之宰輔。須憑易卦以推詳。謀盈

利名先要兌爻旺相斟量宣勅但觀父母興衰

凡求官官鬼是用爻宜旺不宜衰喜日辰扶拱
怕刑害尅衝宣勅者父母是也卦中不可無最宜
旺相扶世不加凶殺則吉若被刑衝根脚不正加
臨大耗廣費資財若太歲月建旺者多是宣也若
貴人祿馬同鄉不過是勅也若雖有吉神散漫而
不當權者無遇是吏様文書衝世凶生尅世吉若
不落空亡縱有難
辛費力終當成就

印綬旺則職守彌高官鬼衰則聲名卑小

父母官鬼乃古官之根本一則事難成二者若
逢生旺必然官職高大若值休囚只是卑小職分
若父母强旺而官鬼無无職雖平等身居鎮靜冷
淡衙門無威耀權柄若遇進神聲名益大如逢退
神必減前任政聲此舉大綱後倣此推之

卷之三
欲知品秩無倦推詳。

以上兩節只言大體
精妙之理具陳于後

祿馬扶身萬里風雲際會。

祿者十干五行譬之人生一世幼壯老死也子長生爲學堂甲乙生亥丙丁生寅戊己壬癸生申庚辛生巳皆學堂喻人之初而學也以旺爲祿則甲祿在寅之類在臨官帝旺之處喻人之長而食祿也馬者驛馬如寅午戌馬居中乃長生謂之驛馬若臨身世或臨官鬼父母及動來生扶身世乃大吉唾手成名之類矣

忌空亡與刑害也

貴人持世九天雨露承恩。

貴人有二有天乙貴人有福星貴人宜旺相忌刑衝若臨官鬼及文書主官職高遷必登加位福貴

持世主人有福德一生見臉無虞臨凶無咎也

青龍動則事業易成朱雀空而文書難就

青龍者吉慶福德之喜神其動有三。有年建青龍月建青龍日建青龍。若見發動必加官進祿與天馬併立自有升騰進益之喜不宜落空必主虛喜若得興隆事事稱心吉無不利朱雀占官之用爻宜旺不宜衰若見空亡文書必難成就或被刑克文書必遭傷壞

子孫發動縱然在任也休官

子孫乃剝官之神若發動雖在任所亦當休致其求仕者不必言也

刲殺交重當見承恩方損已

刲殺見後神殺內若官退臨之發動必因官損命

卷之三十一

妻財持世誥牒豈得如心兄弟扶身俸祿安能稱意

妻財持世。尅文書縱成不如意。兄弟爲尅剝之神。俸資必非厚也。

父化父文書不實官化官事體翻騰

父母爲文書。父化父文書虛而不實也。官化官事體翻騰反覆也。

卦中兩父兩宮必是鴛鴦求仕

卦中遇之必有兩意幹事此失彼得之兆。此乃鴛鴦求仕若前鬼旺後鬼空只宜守舊不可改謀。前鬼衰而後鬼旺宜捨舊圖新。前後皆旺所謀遂意。

爻上月德月建須逢獬豸爲冠

月德月建皆清正之吉神諸煞莫敢仰視若見加臨貴人扶持官鬼及世爻必非州縣之官乃風憲

之職更看日下衰旺便可斷其擢官赴任此又不忌凶殺逢殺則威風稟稟動止驚人操權轟烈

太歲動則在任有除劫殺空則逢凶無咎

太歲地殺之主宰諸神不收當若值青龍月建加臨父母官鬼發動雖見居任所又當陞擢美職也若加刲斂則當貶責如落空亡逢凶無咎

鬼爻持世應知到任把權印綬扶身必定臨庭掌案

持世扶身卦之主宰若見用爻加臨定主到任把權臨庭掌案也

卦無父母終無所任之邦爻隱妻財未得養廉之俸

父母爲任所之地若不出現或落空恐無所任之處妻財隱伏及落空養廉之俸未足也

一世二世任所非逢五世八純仕途遠涉

一二三世在內卦故曰非遙四
五人純在外卦故曰遠涉也

要識宦情好惡須憑卦象推詳

假如隔手來占要知本官爲人及形貌性情但將
鬼爻論之看在何宮論其形體并六獸之形貌情
性了然可見奧義開列于後

世在離宮眼靈聰明性急身居乾象而圓正大仁慈
離屬火爲目乾屬金爲首各取其體德而言也

金爲武職之官掌殺生之重柄火乃文章之士探禮
義之根源

金有斷制之義故取爲武職
火乃文明之象必職司儒業

○詞訟章

偉哉行事有功。廣播聲名于天下。必也使民無訟。須存正直于心中。大爭則兵革交征。小競則文詞相訴。欲分勝敗。先將世應推詳。

凡爭訟曲直。世尅應者我勝。應尅世者他勝。然應雖尅世而世旺。彼雖害我而不能深傷。世靜而尅應而應發動。彼有通變之謀。終不受尅。若有吉神扶持。必有貴人倚靠。終不能侵。若世應皆旺。勝敗之機。未可決。但究日辰生合。何爻併刑尅那爻。便知端的。

要決因依。但把鬼爻推究。

占訟以鬼爻爲主。更以六神參究來歷。因依了然在目矣。青龍鬼婚。姻訟朱雀鬼罵。言口舌。文書契

約吏人爭鬪喧鬧是非勾陳鬼田土屋宅山林樹木訟若兎化鬼房族致爭螣蛇鬼被人連累白虎白虎鬼與人鬪歐殺傷若帶凶煞

動事屬刑名玄武鬼姦淫盜賊訟

官尅應他人受責鬼傷世自己逢屯

凡占訟世應相尅以决輸贏一說世尅應我訟他應尅世他訟我輸贏從官斷鬼尅世官司不順我費資財鬼尅應他人遭責彼虧我勝應空不受尅他人亦無妨世空同斷又云世應俱空兩家退悔官司將有解散之意

一卦兩官權柄何曾歸一六爻無父文書終久難成

一卦之中不宜見兩鬼若兩鬼出現權不歸一事體反覆若一鬼旺動即取其方向便知那一官執權父母爲文書案驗卦無父母案卷未成父母旺空文書未就休囚空亡其事不成或父母逢太歲

用建衝。上司必有駁。父母加太歲動主。上同吊。卷父。母帶吉神。終無大咎。凶神同位。則事凶。

他訴訟看鬼位休囚我興詞怕財爻旺相

凡他訟我要鬼位休囚不宜旺相不然其訟必成妻財本旺父母若我興詞不宜見之若逢動或時世狀詞終不准若得日辰衝散財爻我事庶幾可振又云他興訟須要官鬼休囚墓絕則無大害

官鬼空亡墓絕須知無貴主張

凡占不問原告被告若官鬼空亡墓絕或卦無官鬼決無官府主張其事鬼雖墓絕而財爻旺動相生此之謂絕處逢生須用貲財囑託姑待官鬼旺相月日方可成訟更值子孫發動仍復無氣縱然費盡資財亦無益于事

世應帶合比和終久有人和會

若世應帶合事體本要成。若但比和而不相害。兩家有和會之心。若子孫動當勸和公事。世應此相而官鬼旺動。劫傷世應。兩家微休。官府不放。若遇解神。庶幾可散。

鬼化鬼移權更案兄化兄蕩產傾家

若遇鬼化鬼。其事反覆。或移權更案。事干兩司。或舊事再發。前卦鬼衰。後卦鬼旺。昔日之事歸小。今日番成大事。前鬼旺。後鬼衰。其事先重後輕。虎頭蛇尾。兄弟乃財財之神。若旺動。不免廣費貨財。休囚稍可。若又化出兄弟。必主使兩重財。或兩處使錢。更加大耗。主蕩產傾家。若加刦殺及咸池。必被小人陰私。趁勢切騙。若逢鬼動。終久必知之也。

太歲鬼臨其事必干臺憲。天獄殺動。此身須入牢房

占訟。若鬼加太歲。及月建必干臺憲。鬼衰難用。此斷自宜通鑑。取人事決之。庶無失矣。天獄殺見後。

神殺章閑鎖殺見神
殺內若動則有鎖禁

官旺日則面折庭諍鬼休時則停囚長智

占訟欲知何日興何日息但犯鬼爻推究鬼旺日其事必興當見臨庭折証若值鬼衰其事必停鬼值衝官司有冗未及究問鬼值日辰刑上司有言責其事稍緩

欲識何時結斷鬼爻墓絕推詳

占訟始終成敗皆從鬼斷其事有定限庶可推詳夫結絕決斷實爲難事其或動經一年半載必須先達人事度其輕重知其時務復取其占卦爻子孫發動官鬼空亡無死入墓窮其鬼絕月日然後方可雍容推其意而言之

要知不受刑傷子位興隆剖決

子孫爲福德之神。官訟牽連。獄囚禁
繫。杖責臨身。此爻發動。一槩可免。

○盜賊章

世上論官訴訟。多因性氣資財。其中暗昧陰私。莫出姦淫盜竊。用鬼爲賊。須尋來處之蹤由。

以鬼爲賊。若見持世。乃貼身之賊。在初爻。是家賊。二三爻。鄰里賊。在外。是外賊。在六爻。是遠處賊。鬼鬼。
帶羊刃。刲殺。懸鍼。是強盜賊。賊來。須捕鬼。生方。且
如鬼屬金。乃西方賊。從東南方上來。看在何爻。却
詳微細之處。其餘倣此。鬼屬陽。日間來。鬼屬陰。夜
間來。陰鬼化陽。夜至日方退。陽鬼化陰。日至夜方

偷。男賊女賊。亦不出于陰陽推斷。

推物憑財。當捕墓中之方向。

推物當以財屬五行辨之。欲知其藏固何方。但尋
財墓處便是。且如金財在丑。艮方木財在未。坤方
水土財在辰。巽方火財在戌。乾方凡占欲知何處
失財。但看財絕方向是也。財在內家中失落。居外
在外失落。若五爻動路上遺失。若鬼空亡無往日
辰扶合財爻。財爻化入墓中。此乃未經賊手。不曾
失財。藏于器皿之中。

財化鬼必無尋路。鬼化財終可獲贓。

凡卦中財化鬼。其物已變化了。至後無蹤跡影響。
鬼若逢衝而日辰扶合財爻。其物未散。若非子孫
發動。亦未可知。如鬼動化財物。雖偷去尚未出。終
可捕獲。但看其子孫旺官鬼受制時。自然敗露。

妻財最怕空亡。官鬼豈宜扶合。

財在內卦。不落空亡。其物可見。財在外動。物已去
遠。終難得見。鬼若日辰扶合。乃真賊。慣得其中滋

味必有人做脚須防再來且日辰合住鬼爻必有窩頓之家深藏固閉賊不易敗也

金爻帶鬼便言割壁穿窬木位逢官定是鋤泥掘洞看在那爻發動便知何處歸來

如金爻發動賊向西來木爻發動賊在東方來

子動傷官日下須當捉獲

子孫爲捉賊之人旺動必當時下便能捉獲偷時被人撞見要知蹤跡但尋子孫方位便知着落如卯爻父子孫動見穿青婦人乃知消息屬寅乃穿青男子或遇草頭及木字傍姓人說消息若遇巳爻子孫動必見紅衣女子方知帶殺乃曲腳婦人胎養乃小女子午乃穿紅男子辰相是銀鍊等匠休

四乃拋柴炭人問之可知申乃穿白衣人或木匠
鍼匠酉乃賣酒人持酒人可知消息亥乃穿黑衣
人或守田土之人或挑水之人或洗衣之人皆宜
問消息子是穿黑衣不頂帽男子及釣魚人靜中
看見問其消息辰乃竹林木中墓邊人家可問戌
有黃犬吠人家或牽引犬人問丑是守牛人或是
耕夫未是牧羊人可知其的以上當別旺相休凶
可知少壯老弱若鬼化子孫必須告官方能捉獲
勾陳乃捕賊之人若
魁玄武其賊必擒

日辰魁鬼當時曾被驚疑。

凡日辰衝魁官爻上盜時被主家驚覺如金鬼畏
火若遇日辰衝上盜時見燈明復退隱若火爻動
來衝魁其時有人燭燈外窺見形跡术鬼值日辰
衝魁行竊睛曾觸銅鏡器皿作聲賊心驚恐或金
爻空動魁鬼乃人之聲胎養小兒啼庫墓老人嘯
未敢下手水鬼值日辰衝魁畏牆壁堅回路徑高

低其賊疑懼終無十分偷掠若戌土動來犯多是
犬吠帶殺被犬傷火鬼被日辰衝犯主賊人被迫
落水土鬼被日辰衝犯畏門戶牢緊若見木來犯
必聞門戶聲驚疑以上數端皆以類而推惟占者
至誠至敬自然靈驗也

一卦兩官內外二人謀計

若兩鬼俱動必是內外勾連二人同竊若外鬼動
內鬼不動不過知情若兩鬼皆不動但取其臨試
刦殺當權者爲正賊

六爻無鬼中間恐自遺亡

六爻無鬼則不空亡乃自遺失非人偷也財旺可
幸若財帶亡神動有鬼爻不動亦是自失被人護
去終不可見若無鬼而兄弟化鬼或加青龍動者
非人偷或有僕人借去遺亡在彼若毫無動又兼

兄弟旺動物雖賊偷非能入已又被他人將去

財立內爻珍寶不離于井竈財居外卦金珠豈遠于棟梁

財爻在內其物必在家之井竈間
財爻在外未動必藏匿于棟梁上

須教仔細參詳方可雍容斷決要占輕微之失脫更
加玄妙之工夫鬼屬陽男子偷細察休囚旺相鬼屬

陰女人竊精詳庫墓胞胎

小可失脫不可一槩論但當分別陰陽較量衰旺
方知的實若陽鬼男子偷陰鬼女人竊鬼旺後土
偷庫墓老人偷胎養童稚偷若陰化陽婦人偷男
子將去陽化陰男子偷藏女人處不然日間見物

夜間偷或夜歸日中將失此亦舉其大綱更宜詳審

定人形以五行推。決面目以六神斷。

人形面目大抵以婚姻內面貌參看。

財逢生炁必亡走獸飛禽。

凡論生炁正月子上順行一月一位數至歲終卦中財臨生炁必是能走動之物子與丑合皆言牛寅與亥合皆言豬卯與戌合皆言犬辰與酉合皆言雞凡遇生炁其物未曾殺害若化爲死炁庫墓必破烹宰死炁者正月起午土年行不問是何物遇之皆不吉。

莫值刑衝徒有堅牆固壁

主家財多耗散不復舊觀此言之則甚恐不吉後有

惡去福來
亦學防禦

若見卦無財位便當推究鬼爻。

凡占失物當究財爻假若財
不上卦當以鬼爻衰旺決之。

水鬼興隆無出綾羅錦繡火官衰死不過銅鐵鍋鑑

若卦裏無財當考是之所屬水鬼興隆必是綾羅
錦繡段匹之類若休囚不過絲綿絹帛餘鬼做此
推之火鬼加貴興隆必是金銀無氣銅鑄若在二爻必是銅鑄之類

欲知何日亡財但看鬼逢生旺要決何時捉獲精詳

官被刑衝。

凡占家宅若鬼臨玄武發動當有盜賊起心要知
何時但看官鬼生旺遠以月斷近以日推如特占

失脫不可用月斷但鬼爻生旺日是也若卦逢六
合鬼健動爻刑魁便可斷其動爻生旺日捉捕凡
日辰刑衝最急若旁爻動來相生必有人
救告大乘可獲亦待旁爻受制日可捉獲

○求財章

饑寒起盜心亦爲困窮而至此富貴享遐福莫非營
運而後能齊財于蛟龍背上行舟負命于虎狼叢中
取路欲決心中之疑慮端詳爻上之吉凶

求財之言艱險于斯可見但能信占上必無不遇
之禍若出外求財須言齋福之分在家求財亦有
得失之別學者可不究哉上以決疑不疑何上凡
來占者必有疑慮之事當詳吉凶亥日見財福如
往故人遇尤
恩如逢決疑

將本求財。妻位偏宜旺相空拳問利。官爻喜遇興隆。

凡占求財先達人事然後決斷若將本求財須要財爻旺相魁世生世則吉世危財則凶若卦有兩財外財旺而內財衝本雖少而利則多若內財旺外財衝利息淡薄但可正本若內財爻俱死絕將本生涯歛手折財不上卦及空亡實賣经商連本滅財爻絕處又逢生利息依然動懼恍妻財雖旺不魁世却向爻中看亡劫先生若也問求財請看天仙玄妙訣空手求財者不過是百工技藝之人以鬼爻爲用鬼旺則財豐厚

鬼化爲財。魁世須云大吉。財爻化鬼逢空可謂全凶

鬼化財從空而至凡來魁世是利追我而走故云大吉財化鬼自有化無又落空亡是消磨殆盡故

父化妻爻當涉艱辛始得財運兄位縱然積聚當分
凶神衝散財爻切忌風波險阻劫煞加臨兄位須防
盜賊相侵

凡父化財必先難後獲父旺財衰則艱辛多而財
少父衰財旺則用力少而財多財化弟尤將有侵
奪之患雖有積蓄亦當分散也

凡凶神來衝冠財爻行船便見風波之患世爻若
值吉神身雖無咎財必難零白神若遇虛蛇冠世
財命不可保全若就家中求財不如此斷必是凶
人攬亂或因財引惹公事若值解神却得無主却
殺乃求財之大忌若臨財位必不可得若臨兄弟
發財得財之後防有失財若更玄武加臨必有盜
賊劫掠之禍若得貴人持兎掠世雖有財來無傷
于我如逢鬼虧兄弟受財無用神亦無大患

爻無无則無權。凡
弟依然來作福。

子動會青龍乃生財之大道父興臨白虎爲絕利之

根源

若卦內無財而子孫旺動亦可求謀更臨青龍此同有財之卦若值休囚更宜斟酌若鬼化于孫謂之鬼運財來付好人蒼屏有歌曰鬼化爲財及子孫求財最利稱心情更逢福德來生世安坐高堂也獲珍若子孫化于孫財從兩處生財既自兩處生宣兩處求或與人同求大吉子孫乃生財之神比同水之有源頭受財則泉竭泉水旺盛則流長若財位逢長生福德臨官此等求財綿綿不絕或財雖旺子孫死絕只許一度後再難求子孫雖旺父母來冠謂之絕生財之源雖有錢財亦無接濟若遇日辰相合庶幾不被剋傷

世尅動財。若趕沙塲之馬。財生靜世。如逢涸澤之魚。

大凡求財。財來生世。尅世則易。財來逐我。如涸澤取魚。伸手便得。若世尅動財。是我去逐利。如沙丘劣馬。愈赶愈奔。終難上手。

尅害刑衝道兄鬼。則災殃消散。

兄鬼皆求利之忌神。今彼受制。不惟求財有望。抑且災散禍消矣。

生扶拱合。輔財福則貨寶豐盈。

妻財子孫生涯緊要。且有生扶拱合。豈不財貨盈溢。珍寶滿箱。

前卦有財後卦無。不利于後。前卦無財後卦有艱難。在前。

前卦有財後卦無宜速求遲則難得。前卦無財後卦有宜待時行事或看財爻旺相年月方謀。

財合日辰方能入手財逢墓庫便可歸懷。

財與日辰合財爻入墓日方可斷其上手。

○出行章

坐賈行商皆爲厭貧求富貴曉行夜算只因圖利起經營欲財溢于千箱須奔馳于萬里未卜其中之得失便言路上之行藏世尅應爻直到地頭無阻節鬼臨飛位未離門戶費趨趣。

凡占出行以世爲主旺相吉無悉凶世尅應坦然一路無凶兆應尅世比同旁爻發動來相尅當有

吉凶之辨。若遇財福。尅我則吉。鬼殺尅我則凶。若當世墓凶方。決不可行。鬼持世上。多是去不成。若子孫發動來解。庶幾可行。如或鬼爻帶貴。必因貴人遲滯。未得起身。鬼加官符朱雀。必因官事牽連。鬼加白虎喪門。弔客死符。病符恐有喪亡。疾病之事。鬼若臨應。到彼謀事。終難成就。

世爻更值空亡。出往終難成就。

世若逢空。多是去不成。縱然強去。終是不得意而回。凡占必須看何人。若本身出。最忌世空。因經濟出行。可謂大凶。必主墮本他鄉。徒勞奔走。若九流藝術。及公家勾當人。占反爲吉。空手得財。不聚也。子孫動。則路逢好侶。官鬼興。則途遇凶人。

子孫持世。吉無不利。必主善去吉回。若發動必逢好侶。官鬼爲凶人。發動尅世。爲害非輕。休囚受制。終無大事。

父母休囚背負一琴登蜀道妻財持世腰纏十萬土

揚州

父母爲行李旺相則多休囚則少一琴一劍言其少也妻財爲錢鈔財爻旺相則腰纏十萬貫言其

馬爻發動坤宮遇吉神則驛程安肆木位爻重坎位加白虎則舟楫傾危

馬在坤象動必陸路行更加青龍一路自然安逸木在水上動必是水程若加白虎恐遭風浪顛覆

之憂

五位逢空路上淒涼無旅店六爻臨鬼地頭寂寞有

憂愁

初爻空亡無脚子。二爻空亡身有阻。三爻空亡伴
侶稀。四爻空亡難出元。五爻若也值空亡。旅店荒
涼受辛苦。更看六爻。若逢空地頭寂寥無人住。六
爻俱不落空亡。任意揮鞭千里去。以上論空亡者。
不可一槩論。必從吉凶分別。凡吉神空則凶。凶神
空則吉。依此推之。萬無一失。占出行不宜見官鬼。
六爻遇之皆不利。初爻主脚痛。二爻身有災。三爻
伴侶有疾。四爻去後戶庭有官事相纏。五爻道路
梗塞。六爻地頭不利。不得意而歸。

參詳一卦吉凶。推究六神持尅。

青龍臨財發動。滿載而回。朱雀官爻發動。必有是
非口舌。勾陳臨水動。必有雨水。螣蛇帶鬼。必有憂
驚。怪異白虎帶殺。必有疾病。玄武臨財。必有失脫。
以上四神持世。冠世景忌。旺相亦忌。休囚受制。庶

無入

事

金爻持世。豈宜遠涉南方。木位安身。惟利高登北闕。

南方屬火。金畏之。故不宜往。北方屬水。水生木。故宜去。餘倣此例。

○行人章

秋風颯颯。動行人塞北之悲。夜月沉沉。興游客江南之夢。剔銀燈。喜占音候。當金釵。爲卜歸期。若問子孫。須要福神生旺。或占父母。不宜印綬空亡。

父母出行看父母。子孫出行看子孫。兄弟朋友皆看兄弟。奴僕亦看子孫。吉神臨之吉。凶神臨之凶。應動青龍尅世。行人立至。父臨朱雀爻交。音信須來。

應動。尅世卽來。世動。尅應未來。青龍臨應動。行人立至。動世。尅動應。行人往他處。若世應俱靜。但看生尅制化。若世生應。尅應決未來。應生世。尅世身雖未動。已有歸意。但看衝動月日。起程生旺日必到。父母朱雀皆爲音信。若見發動必有信至。尅世來速。世尅來遲。若當五爻動。有信在路。帶天喜吉。神尅世是喜信。加大殺凶。神尅世是凶信。若父母朱雀動處。逢空音信。雖有被人沉隱。父母并勾陳發動。音信雖有。帶清音。有號閭稽遲。未到也。

欲知車馬將回。細看門戶。要卜舟船未發。但看地頭。

初爻足二爻身。身足俱動。則來三四爲門戶。動則速。至五爻動在途。六爻動在地頭。凡動動則來速。發動無死。則來遲。或用爻。或應爻于門戶上。動行人即到。凡動處亦有吉凶。若動爻尅應。尅用雖當門戶。亦有遲滯。

陰官際遇螣蛇。當有還鄉之夢。咸池若臨玄武。恐逢覓水之懼。

陽鬼會螣蛇。當有虛驚。陰鬼會螣蛇。當有夜夢。若在內動。此是家人夢見人回在外動。必行人有還家之夢。其夢決于鬼生日。重動已過。交動未來。用爻若加咸池。玄武行人主有外情牽惹。不歸。

兄弟動。則多費盤纏。官鬼興。則不諧同侶。

兄弟若當權旺。動。決然多費盤纏。若更化。兄弟不免。有兩倍之費。不然。有分爭之患。休囚無死。稍輕元化。爲鬼行李。至中途。必有變。不可托人。若財化兄弟。或加玄武。多是被人誑騙。兄弟若逢刑厄。無害。若官鬼旺。或兄弟空。必路無伴侶。獨自登程。

更被凶神特尅。須防世墓空亡。若有吉曜來臨。庶免

身遭否塞。

若作出行人本名占最忌官鬼白虎大殺動來利世及怕世墓世空自身有疾患難有險若占他人相鬼傷耗用爻及用爻入墓空亡須防危難若得子孫旺動貴人及解神來相解或日辰刑衝凶神庶免身

遭否塞。

動爻值退登程復返他鄉應位逢衝觸景方思故里。

丁丑丁未壬辰壬戌四者爲退神凡用爻及動爻逢退神行人登途仍復返去若動爻逢空亦作返去斷看在那位爻上空便知何地轉去要知行幾里回去但依生成數推斷生旺倍加死絕減半六爻不動本無歸意若用爻動應爻必是都物思歸

勾陳發動若逢位上便淹留拆殺爻重須向途中防

跌蹠

勾陳發動必主淹留。若在地頭未能起離。右在五爻動半路人留。勾陳旺動。冠持用爻及應爻行人卒急難來折傷。煞云折傷四體要君知。正月雞棲逆向離生怕高枝。防跌蹠此爻發動恐顛危。謂正月從酉上逆行也。

妻財旺動加玄武。則杳絕音書。福德興隆遇青龍。則豐盈財寶。

財與乾父玄武動傷朱雀。若相併而動。主音書杳絕。望信須看世應中。信來兩處起爻。重他興我靜魚傳信。我動他安雁絕蹤。子孫乃福德之神。遇青龍則滿載而回。

欲詳物數五行妻位興衰。要決歸期。六合動爻生旺。

要知物數，但看財臨五行，旺相多休，囚少逢生，倍
加受尅。減半數日，照河圖數取水一火二木三金，
四土五動爻屬金，期在巳日。
并申酉日可到，餘倣此例。

錦城雖云樂，不如早還家。
茆屋未爲貧，但願安樂業。

卜筮全書卷之七

天玄賦

下

○家宅章

要察卦爻內外。可知人宅興衰。

內三爻爲宅。外三爻爲人。宅去犯人。主病患連年。
擊括多踰人去犯宅。主修居創屋。整舊更新。內卦
旺屋宅多外卦旺人丁多

初觀住宅之根基。相連井位。次覩華堂之境界。兼接
竈司。

初爻住宅基址。帶財福吉。井亦相連。初爻屬土。則
潭濁水則溝冷盈溢。木則井上有樹。火則泉水常

乾金則沉瑩香潔帶鬼逢空必廢井二爻爲堂屋
生旺則深沈廣闊無死則窄狹低猥帶青龍龍德
貴人必新創整齊加白虎刑衝犯害必舊居破敗
二爻竈亦兼焉生旺則竈修饗闊休囚則竈冷無
烟朱雀帶官定有竈前呪咀
鬼連白虎須防腰血淋漓

三門若值官爻不離五行分割四戶儻臨鬼殺須加

六獸參詳

三爻爲大門與太歲日辰生合其向大利與太歲
日辰刑衝其向不吉帶財福青龍吉神動者決主
門庭清吉人口康寧加官鬼白虎凶神動者多招
口舌官非速遭惱聒加兄弟者主破耗多端資財
不聚加父化父者一合兩樣門扇逢刑衝或加破
軍必有破壞已上動者其靜者勝若三四爻相衝
有兩門相穿不生財第四爻爲戶印中門帶吉神動
古連凶煞動內

五爲道路之爻，六爲棟梁之位。

五爻爲路與世合，則委曲有情與世衝，則直長帶殺。六爻爲棟梁牆壁，帶青龍，則翹翹整齊，加白虎，則崩頽。

破敗，則崩頽。

雖辨其中之奧妙，須詳就裏之精微，揲索六爻，總是家庭小事，推明一語，可驚王公大人。月建會青龍，當主婚姻，喜喪門加白虎，須憂疾病喪亡。

月建卽正月建寅之類，與青龍會合一處，發動重重，喜慶士夫當加官進祿，庶民則增進錢財，或婚姻產育無不吉也。喪門白虎，謂之四利三元，乃凶神見後凶煞，內若見此爻動者，則有病患連繩，不祥。自當細審。

朱雀空則門絕官災。勾陳旺則戶增田業。

月建朱雀正月從巳上順行在內動主是非口舌在外加貴人動主有文書音信之喜若帶官符官鬼動者月內必有口舌官事又云月建朱雀卽天燭殺若與日辰朱雀并動須防火燭若朱雀空亡官事無妨是非潛伏火燭消烊月建勾陳正月從丑上起順行帶鬼殺內動主宅神不安人眷不寧在外動謀事多見遲滯若臨財爻旺動耗世其月內必有增進產業之象更加日建青龍必然廣置田園橫發錢穀大利田土之事

玄武須防盜賊加咸池必有私情螣蛇本主虛驚遇陰鬼多生怪夢。

月建玄武正月從亥上順行在內動主有女婢走失在外加鬼殺動主有穿窬割壁之賊若玄武與

感應同鄉主陰私淫亂之事動來合世宅長必然不正若臨財爻其妻必淫若臨父母出處卑賤或臨福德及第六爻皆主奴僕有陰私之事若逢生晦其事張揚或值休囚猶可隱匿如逢衝散必然被人說破不復作矣凡此章皆是非之端古人所以具述此事者旣造精微之地不得不言後學不可妄談暗藏胸中以爲觀人邪正之法不宜輕洩月建螣蛇正月從辰上逆行若動主有牽連事至遇陰鬼主夜生怪夢冠世臨世宅長夜夢不安尅應臨應宅母夢寐不寧

卦列六十四象怪分一十二宮

六十四卦之中其怪不過十二宮分子動鼠怪寅卯申狐狸怪巳動蛇怪午動火尤怪酉是雞怪戌是狗怪辰丑未是虛響怪凡怪爻動處逢衝則無害也

推占六爻全憑四季

訣曰。怪爻季是兩頭居。仲月逢之二五隨三四怪爻當孟月。動成駭怪靜無之。殺神在世災應實。犯殺傷身禍不虛。更被官爻持世上。怕逢衰病患難除。以上所言怪爻須憑四季。取季月初爻六爻動爲怪。仲月二五爻動爲怪。孟月三四爻動爲怪。其餘發動不可亂言。

旣有淺深之辨。奚辭禍福之分。

凡有怪異亦有淺深怪淺禍亦淺怪深禍亦深。怪深禍亦深禍福于斯可辨。

世在遊魂常有遷移之意。身居墓庫終無起離之時。

占宅得遊魂卦。主居處不定。常有遷移之意。占移居。怕見世爻入墓。雖言移終不能動身。

外卦興隆徙舍須云大吉。內爻旺相移居必見災殃。

立春立夏立秋立冬。震旺巽相離胎坤沒兌死乾囚坎休。艮廢立夏分震旺巽相離胎坤沒兌死乾囚坎休艮廢立夏

巽

旺

坤相兌胎乾沒坎死

坎艮休震廢夏至離

艮死艮因震休巽廢立秋坤旺

坎相兌胎乾沒艮死震因巽休離廢秋分兌旺乾

坎艮相震艮死艮因震休巽廢立冬乾旺坎相

艮死艮因震休巽廢立夏坎旺艮相震

艮死艮因震休巽廢立春坎旺艮相震

艮死艮因震休巽廢立秋坤旺坎相

相坎胎艮沒震死巽因離休坤廢立冬乾旺坎相艮胎震沒巽死離因坤休兌廢冬至坎旺艮相震胎巽沒離死坤因兌休乾廢以上八卦之休旺凡旺宜守反之者必見災殃

吉移居外卦

旺宜遷內卦

青龍外動宜遷白虎外動宜靜

大抵青龍爲吉白虎爲凶

守舊遷移隨其變動而作趨避

刑害翻成六合翠家去後亨通游魂化入歸魂返舍回來大吉

占移居得三刑六害卦本非吉兆若變得六合卦

去後必亨游魂化歸魂必當仍還舊地乃爲大吉

欲遂遷居之志。須求分燭之鄰。

初爻爲左鄰。後鄰西爻爲右鄰。前鄰加財福吉。神必慈祥。體佛之家。帶鬼煞凶。神乃無籍。凶狠之輩。

○香火章

欲究治家之本。莫過敬鬼爲先。卦中三爻。總論天神地鬼。其中六獸。可知作福興災。

凡占家宅香火之法。以卦中第三爻爲主。若福德臨之。則家神興旺。以六獸推測鬼神難以言盡。大率吉神宜發動。

凶神宜安靜。

單拆須辨陰陽衰旺。可推新舊。

鬼爻是單屬陽。乃天神佛像。或祀典正神。鬼爻見拆屬陰。必是依草附木。暴死傷亡。投河自縊之鬼。

欲知人家神像新舊如何，但依喪旺推究。自長生至帝旺，皆可合新自衰。至墓絕，必須言售也。以喪絕最舊。

要察神前之供器，更詳卦內之鬼爻。鬼位逢金，必主香爐破損；官爻遇木，必然牌位崩摧。

欲察供器，但看三爻臨鬼，要更分別五行，自然必中。鬼位逢金，主香爐破碎；鬼爻遇木，主牌位崩摧；鬼爻臨木，神堂上定有漏處；臨火，神位前拱具必有一件被火燒者；臨土，必主塵埃滿案，無人拂拭。修葺重新，庶幾。

六神安穩興隆。

○六畜章

若問家先內宮，看鬼崇奉百神安妥。自然六畜興隆。

雞鴨元在初爻遇青龍則四時旺盛。猶大端居二位加白虎則兩件難全。

初爻雞鴨位帶鬼或空亡難爲雞鴨。加大小耗必有狐狸黃鼠所傷。若臨青龍大吉。二爻爲猫犬演父傍動。乾戌爻虎傷夬。戊爻乾二爻大傷猫。猫爻若加吉殺必善捕鼠殺帶鬼家有惡犬。逢空不利旺空有狗無貓。有貓無狗不能兩全。加白虎必然有傷。帶青龍必然旺相。

三四猪羊怕見殺官兄弟五六牛馬喜逢福德妻財

三爻爲猪輩子孫妻子貽必旺。帶兄弟猪不長。帶官逢空猪有損失。帶子孫胎爻其家猪有胎。若見申酉二爻動或乾三爻猪次有損失。四爻爲羊帶財福則明。帶鬼殺則損失。逢空無羊。脂養臨爻則羊母旺。朝綵陰爻則羯羊多。朱雀臨大殺在兌宮乾宮動羊生際月遇青龍動則吉。白虎動則凶。五爻

爲牛羊子孫其家有子母牛。馬附其家牛有胎
凡遇青龍財福則吉。鬼煞白虎則凶。青龍蛇爻多
是水牛。勾陳性耽多是黃牛。若五爻帶金鬼主牛
夜啼。水鬼敗財木鬼腳疼火鬼因觸熱土鬼時氣
發瘡。兄弟化兄弟與人相合。牛隻旺相墓庫。老牛
胎養小牛。六爻爲驅馬帶財福則吉。帶鬼殺則凶。
如子日衝午爻主走熱飲水火動則無妨。此一爻依生爻斷之。

最兼本命逢衝須忌分宮受尅

丑爻爲牛。寅爻爲虎亦作貓爻。斷午爻爲馬未爻
爲羊酉爻爲雞戌爻爲狗亥爻爲猪。以上六畜之
本命怕逢鬼殺大小耗劫刑相尅又嫌本命空亡
皆主損折狸傷。一云初雞鴨二貓犬三猪四羊五
牛六馬及驢驥以上乃分宮也。如本命上卦當看
分宮爲主。若吉神動來相生則吉。凶殺動來尅害
則凶。更得日辰扶挾亦吉。若日辰刑衝則凶能依此斷萬無一失。

命逢生旺當別吉凶

生旺若逢本命本爲吉兆却看臨財福旺相則吉
臨鬼殺大小耗則凶反不如不旺凡吉神扶命旺
處六畜必盛若加鬼殺得是休囚庶幾損折亦輕
凡遇本命旺臨財福却加大小殺干其上此主革
牲雖盛損失亦多得失相半
之兆不可槩論而斷其吉凶

爻值刑衝須分表裏

分宮若日辰刑衝或動爻刑衝當有吉凶之辨表
裏之分凡分宮會財福青龍若逢刑衝則凶若臨
鬼殺白虎逢刑衝反吉必主前雖損失以後必然
旺盛大凡旺處逢衝則損絕處逢衝則散空處逢
衝則不空

六獸可知顏色斟酌相尅相生八宮細論身形定奪

居中居外

欲知顏色。不過是猪犬牛馬。凡遇六神所臨。六爻安靜。別無衝破。但言一樣顏色。若動相生相克。方可言禱色。假如玄武臨用爻。被白虎動來剋。此乃黑白相間。玄武旺。則黑多。白虎衰。則白少。兩爻衰旺。相剋。黑白相半。且如青龍臨用爻。白虎動來剋。又如勾陳動來生。此乃三色花。黃白黑相間。卽玳瑁色。乾首坤腹。離目坎耳。兌口及尾。艮前足。震後足。巽腰。凡用爻臨玄武。在乾象。更無別爻相剋。相生。乃是通身黑色。若逢坤象。白虎動來生。必是黑頭白腹。若遇休囚。其白少。若逢生旺。通腹白。又如勾陳臨用爻。在坤象。被震宮或艮宮。白虎動來相剋。乃黃身白脚。震言前脚。艮言後腳。已上略舉一二。以爲法。其餘分宮。倣此推詳。凡占須以用爻所臨爲本身顏色。若遇別爻衝剋。及生扶。方可看其在脚。言脚在腰。言腰。

○田蠶章

家有千鍾皆出田中之玉粒。庫藏百寶安如筐。內之銀絲先言農力之勤勞。熟稻豈辜于八月。次論育蠶之節目。植桑不負于三春。

凡占農田以世爲田以應爲天應爻臨水生世及加青龍玄武生合世爻豐稔之歲可卜矣若見應爻主缺木若應爻相合比和看卦中何爻發動水爻朱雀動冠世爻不必損或世臨勾陳動冠應爻動生冠世吉火動生冠世凶內卦爲蠶外卦爲養蠶人內生外吉外冠內凶內生旺蠶旺外興隆人多内外相生吉相冠凶凡占須要巳午上卦爲吉巳午發動乃大吉艮卦離卦大吉坎卦兌卦大凶

逢四五月

剖分內外三爻。總合農桑二事。

凡占農以初爻爲種。二爻爲秧。三爻爲人力。四爻爲牛。五爻爲天。六爻爲水。若占蠶桑。以初爻爲種。二爲苗。三爲人。四爲桑。五爲箔。六爲繭。以上六爻旺相者吉。休囚庫墓者凶。若逢大殺大耗小耗。皆爲凶兆。

二卦遭逢鬼殺。可謂全凶。五行弗遇官爻。方爲大吉。

農田若見鬼在初爻。種不對或不萌。鬼在二爻。必欠秧。鬼在三爻。農力不到。若加凶殺。田夫有病。鬼在四爻。欠牛力。或牛有損。空亡無牛。鬼化兄。或兄化鬼。與人合牛。工作不利。鬼在五爻。天意不順。鬼在六爻。必缺水。占蠶鬼在初爻。種不出。在二爻。出後不能旺盛。在三爻。蠶娘有病。在四爻。葉必貴。在五爻。上箔有損。在六爻。財微薄。必無好蠶。亦無好絲。六爻無鬼。田蠶自然興旺。凡遇鬼爻。須看五行。

所屬及觀衰壯動靜鬼爻屬金發動持魁世爻主
蝗蟲之災水爻動帶鬼旺森損稼火鬼必主亢旱
土鬼里社興災占蠶水鬼防鼠耗术鬼二眠有傷
金鬼多白殮其年喫菜多火鬼頭黃菽不生土鬼
蠶沙發熱蒸傷

陰陽相半須加四獸參詳財福俱全更互六神推究

田蠶皆宜陰陽相和水火相半庶能昌盛純陰不
生純陽不化陰陽交合然後萬物生凡占得陰陽
相伴外附內陽內外相生大吉之兆占蠶須看六
神持魁倉屏云青龍旺相入財福春蠶盈盈滿筐
簇管取竿頭白雪香會看箱內銀絲足朱雀旺相
入兄弟必定桑慳食不濟若當離象動凶神蠶室
須防火災至勾陳帶鬼多黃死若遇財爻黃蘭多
苦中發動并遲滯若值凶神可奈何螣蛇水鬼害
頭蠶正要烘晴却受寒縱得絲來筐篚內明則補
紛也應難自處若臨財福中筐中多是白頭公更

造兄弟交重惡急急祈求一半空玄武若臨咸池
動多是女人帶厭來急求鑑福來扶救庶免春蠶
日下灾厄皆以財爻爲主生旺全收無恙半收
空亡大折鬼空財旺必稱心有鬼無財主大損遇
子孫持世旺六爻有鬼亦無妨

興衰得位方能保其豐穰動靜有常庶可明其得失

凡占先看空亡次看財鬼衰旺若鬼財衰荒歉之
微財旺鬼衰豐稔可卜田鑑二卦相去不遠其中
所主各有分辨占田以世爲主水火不可相勝水
動生世春有滋膏夏多時雨水旺耗世溼淋不止
巨浸飄泊卦中有水火爻生世水火既濟豐登可
擬占鑑以巳午爲鑑命發動旺相皆大吉之象旁
爻動來生有利
爻主有大損

○雨暘章

既言地利之廣博。必假天時以發榮。若問陰晴。全憑水火。

若占騎兩水火二爻乃一卦之主宰。六爻無水必無雨。六爻無火不開晴。若見水爻動來。乾世驟雨忽然至。生世乃細雨。又云。水爻旺動是驟雨。無爻是細雨。若水動土亦動。雖雨亦無多。卦中雖有水爻。若逢土動。決是無雨。只是雨意。若水化木。冬可言水雪。若火動乾世。必遭亢旱。若水火兼動。乃雨順風。謂之象水化火。驟雨晴明。火化木。晴天變雨。六爻無水火。逢空不晴。不雨陰天氣。故曰。若問陰晴全憑。

水火。

動靜生乾。測天上之風雲。旺相休囚。決人間之禍福。

舊解云。世爲地。應爲天。應乾世。無雨。世應大雨。動則急。靜則緩。初爻旺。濃雲密布。無蒸淡烟薄霧。

二旺飛電揚光無炁雲中虛閃三旺大風捲屋無炁布煖微風四旺轟雷大震無炁隱隱輕雷五旺滂沱大雨無炁細雨沾濡占晴初旺天雖晴雲尚密無炁薄雲將散二旺草綴露珠無炁微施薄露三旺朝霞散漫無炁日落霞明四旺長虹橫雨無炁半掃浮雲五旺大明中照無炁日色淡泊五爻屬陰旺月轉水輪無炁如紗罩鏡

三衝六位佇看掣電騰空四兌五爻會見長虹貫日

三爻動初爻風捲殘雲散九霄三爻動生初爻風送濃雲六合包二四爻相生電掣雷轟盡喚驚三六爻相衝驟雨傾盆攬六龍卦中遇晴却是初爻動生二爻或二爻動初爻必主雲散霧收五爻動生三爻或合三爻日照霞明四爻旺五爻長虹貫日五爻屬陰被初爻動來旺月當明也被雲遮略舉大綱餘當推究

推究六神際會須知五屬參詳。

青龍臨水動甘雨卽沾濡若值木爻動陰雲亦不舒朱雀入火動必然啓大明飛入土爻發雲中光射人勾陳臨土動陰霧接天涯若遇卯辰動光中雲漸開螣蛇申酉動掣電走金蛇縱使天無雨陰雲盡日遮白虎臨木動須防折木風走入坎宮發滔滔水接空玄武臨水動連朝雨不休更值鬼爻發陰雲暗九州

卦值六衝雲雖凝而復散爻逢六合雨未至而可期。

卦值純陽并六衝雨未可望雲烟縱合亦必解散若陰化爲陽雖有雲意而雨不至縱有亦少凡占水爻雖動被日辰并衝動爻刑害雖雨亦微水爻安靜見衝則有雨凡遇陰陽相半故能六合更看水爻有蒸雨雖未至可以預期若陽變爲陰雖靜亦當變雨縱有火動亦無久晴若遇純陰卦靜則

有雨動則生陽雨未可望水動則
可許加大殺白虎則有暴雨而至

但逢雨順及風調自然民安而國泰

○國朝章

五爻爲天子近親賢而遠去奸邪

凡古國家以本宮爲國世爲君又云五爻爲天子若帶財福青龍貴人者仁君也臨太歲月建勾陳者威震天下守正之君加大殺白虎暴虐之君帶咸池淫亂之君加刦殺居位不久若與吉神相生相合必能親近賢者若吉神來犯必有賢臣相輔若動凶神必能遠小人去奸邪或與凶殺相生相合及凶殺動來相剋輔相不得其人皆奸佞相輔君爻緣遇吉神亦不能去奸佞

四位列公侯上忠君而下安黎庶

三公九卿之位皆在四爻若臨吉神旺相財世乃是敢言敢諫社稷之臣也若加鬼殺旺相耗世乃是欺君僭上昧主把權之輩也若世值吉神庶無大害四爻若與世相生阿諛之臣也縱帶吉神亦不能規君之過正君之失帶凶神亦不能害君之正喪君之德四爻動生初爻必有憂民之心初爻生四爻民有仰慕之意四爻加凶殺旺初爻民受無辜之害初爻動旺四爻民視之如仇仇四爻生合二爻必能招賢納士二爻生四爻士有景羨之心四爻生旺三爻必能任用百官進賢退不肖以上細心詳察無不應驗

宗受楊妃之禍

古國家以子孫爲國嗣若得日長共合或動爻相生或臨月建旺相及加青龍貴人者若東宮已立

子孫臨大殺秦扶蘇中趙相之謀君位合咸池唐玄

他日擬登寶位更無改易。子孫若帶咸池非正宮
所生。福德臨胡殺大殺惡有變易更被四爻傷耗。
必有趙高謀扶蘇之事。卦無子孫無國嗣。四爻與
五爻若帶咸池玄武上必荒淫卦有咸池即被君
爻相剋雖有西施之美無害于國政應爻加咸池
飛入五爻旺相又兼世爻空亡必有武氏亂唐之
患。後必當見女主治天下若加吉神天下庶幾平
定更帶凶神四海必亂君位若合咸池帶殺旺相
必有女禍如唐皇之于楊貴妃故事也。

韓信

子孫發動傷耗世爻主有直臣奏事頗類朱雲折
檻之風若與日辰相生令上必允其奏與日辰刑
衝龍顏大怒終遭貶責子孫臨太歲月建動耗四
爻而生五爻子孫旺日必有御史劾權臣四爻鬼

殺旺相不受。旺須防有變。寅午戌午是將星。巳酉丑酉是將星。申子辰子是將星。亥卯未卯是將星。若將加白虎羊刃生世。必得強將星。若帶貴人青龍生世。當得忠良之將。將星若加刦殺動來。旺世須防狂君之禍。此爻將星名爲刺客。以上三節皆在旺相年月日可見也。

金爻帶鬼。一方有兵革之興。土位逢凶。四海盡干戈之難。

大殺若臨。金鬼旺動。必興兵革。世旺。庶無大事。旺世必凶。若土鬼帶殺發動。旺相。四海皆亂。旺世必有攻城之賊。卦中有殺無鬼。旺世亦凶。有鬼無殺。雖凶弗咎。有神制殺。鬼動無妨。鬼位休凶。財興有害。鬼空殺旺。縱亂無成。鬼旺殺空。雖凶無害。若鬼帶刦殺。或化爲兄弟。無過是刦財之賊。若加玄武。是陰私暗害之賊。卦中此虎不動。縱有大殺。不爲急迫。若併官鬼惡殺動。實爲大害。却以生旺。旺害。

何方方
可決斷

以遏寇賊全憑將帥專征要決輸贏先察世辰相對

以世爲我將。應爲彼帥。又云。以子孫爲我將。及先
鋒。予孫得地旺相。將軍必勝。若加青龍乃忠良之
將。若加白虎乃勇悍威猛之將。若得持世。雖有鬼
亦無傷害。若得旺相發動。次勝千里。更日辰扶拱。
有百戰百勝之功。所嫌者父母發動。雖有子孫不
可當其鋒。若入墓無爻。雖動無傷。凡專征伐。以世
爲我。應爲彼。世冠應我。勝應冠世。彼勝世墓。只宜
堅壁自守。不可妄動。若世旺相應入墓。彼必折人
丁。世空我有難。應空彼有傷。世在陰宮。不宜先動。
世在陽裏。不利後興。世動冠應我。必進應動。冠世
他欲來。鬼爻冠世。他勝我。鬼爻冠應他。欲退鬼持
世。須防圍困。金火持世。應兩家流血交征。世應比
和。皆旺相。此兩強敵手。勝敗未可決。但以所長斷
之。世應相生相合。將帥有允和之心。士卒無攻戰

之意

妻財發動當成易幟之功。兄弟交重須禦奪糧之患。

父母爲旗幟。旺相發動必然興兵。若在內動我欲興兵外動他行軍馬。克世欲來侵我。苑應乃回頭之旗幟。他必自退。凡父母不動。妻財動當有奪旗易幟之事。財在內動。旺外之父爻。我必奪彼之旗幟。妻財外動。旺內之父母。彼將奪我旗幟。財爲糧草。卦若無財必絕糧。財空糧欲缺。財無羔糧不多。財動送糧與賊。若兄弟交重。須防劫糧奪草。

聽轟雷之戰鼓。金爻發動逢空。看如雨之砲磚。土位交重逢旺。

土爲砲石。旺相臨未上發動方可言之。若帶大殺必遭傷害。如遇退神。須防自損。金空則陽動處逢

衝愈鳴若發動必然金鼓轟雷須防戰鬪金爻發動不空亡刀刃森森明似雪內動我器械備具外動彼之兵刃整齊金爻發動逢刑尅兵甲雖堅不損人金爻無炁逢刑尅甲冑干戈不整齊以上細摺求自然有準

木乃濟川之舟楫火爲繫馬之軍營

征戰不免登山涉水若無舟船之便五月安可渡瀘凡占以木爲舟楫發動旺相必有濟川之利木爻受衝舟必破漏木爻受尅船車難行卦無水爻恐無水木爻逢空必無船木爻帶鬼乃賊船凡戰于野不免安營下寨臨處山谷之險亦宜卜其吉凶凡占以世爲主將火爻爲營寨與世爻相生相合其地得利與世爻相尅相衝不吉火爻若帶鬼賊寨必相近火爻旺相宜寬闊無炁宜小結構蓋屏云水爻帶鬼來尅我須防劫寨及攻營却看有炁并無炁方可期量道敗羸假如火爻旺相水無

悉縱來赴
世亦無傷

父加虎殺外興。莫縱軍兵來出陣。鬼帶劫亡內動。須
防奸細暗臨城。

子孫爲我兵卒官。鬼爲彼賊徒。子衰兵卒怯。鬼旺
賊軍強。鬼空他必滅。子旺我必昌。怕父母帶白虎。
外動必尅。子孫宜守不宜戰。戰則必傷軍卒。父
若持世動。主將不能養士卒。上下有相離心。未相
安之道。若帶凶神。須防自變亡神殺。正月從亥起。
順行劫殺見後。若鬼帶二殺于內動。須防奸細之
人在城池之內。若被世尅。須探事情不至漏洩。世
爻無炁鬼殺旺。軍機透漏禍終來。內外鬼爻俱發。
動尅世必有內應外合之患。子動必無妨。鬼爻不帶殺爲害亦不凶。

若逢暗動傷身。須遇陰謀刺客客。

凡鬼爻暗動更加切殺大殺刑冠世爻主將須防
刺客卦內若得子孫發動來救刺客決然被擒比
同燕太子丹使荆軻刺秦之類若日辰衝動伏鬼
傷飛爻須防自己手下有人謀已卦中無救禍將
及身鬼旺日決見應驗也

虎蛇皆動正當離亂之時世應俱空宜見昇平之樂。

大殺若動加白虎螣蛇必是大亂卒難休息大殺
若當胎養長生位上乃喪亂發萌之時若在臨官
帝旺之地正當大亂過此漸息若當墓絕位上將
次太平離亂已經歷過要知何年離亂最甚何年
稍息依長生法斷之六爻無
鬼卦無殺世應俱空卽太平

○疾病章

國家治亂莫非風俗紀綱人壽天長豈論尪羸壯盛。

養生非道終有疾病存焉。請禱能占便見死生決矣。
殺臨父母當憂堂上之親空及妻財災慮閨中之婦
凡占疾病看來者何人子占父母要父母上卦妻占夫看鬼夫占妻看財父占子看子占兄弟看兄弟占明友亦看兄弟占奴僕亦看子孫凡用爻不上卦或空亡者則多凶少吉凡占何爻空亡何爻受克吉凶依此而斷之

決輕重存亡之兆專察鬼爻定金木水火之鄉可分證候。

鬼爻旺日沉重庫日困絕日輕可鬼化鬼其病進退或有變症或舊病發或症候駁雜鬼持世病難持根鬼爻帶殺持世此乃瘵疾卦中鬼爻日辰旺乃暴病月建旺乃經月之疾鬼爻無炁臨身者

乃久病卒難痊可。卦中無鬼病難安。鬼動陽身症候急。凡占旺鬼不死。則易愈。衰鬼不死。其病難痊。欲定症候。須看鬼臨之五行。若金鬼肺腑病。咳嗽加氣。或瘡癰血光。或筋骨疼痛。木鬼四肢不利。風氣肝膽。左癱右瘓。口眼喎斜。頭疼發熱。三焦口渴。加朱雀狂言亂語。陽症傷寒。水鬼沉寒痼冷。遺精白瀉。小便淋瀝。吐瀉嘔逆。火鬼寒熱往來。脾寒癰疾土鬼。乃脾胃發癰。水腫虛浮。瘟疫時氣。若前卦鬼後。封水鬼必前之症候爲陽。服冷藥過多。變爲陰證。若午前占遇此兩鬼。當言勿服藥。過當後必有變化。火鬼于火旺月日占是也。

青龍得位終見安康。白虎傷身必成凶咎

青龍若臨子孫。剋世期日。痊安。或臨應。剋世。服藥有效。若臨用爻。發動縱有凶險。亦不傷也。若帶鬼爻。亦非凶惡發狂之病。若在三爻動。香火爲福。蒼屏云。青龍空亡。并福德。病人平日無陰陽。若逢土

動虎傷身。管取其年有悲泣。君來占病。決存亡。白虎加臨。主哭喪。臨冠父爻當有咎。并財妻位必遭傷子。孫際會終成否。兄弟相逢更不昌。更值官爻持世上已。身須恐有災殃。凡遇白虎交重。乃占病之大咎。無无猶可。旺相大凶。若臨喪門。吊客死。符喪車持冠用爻者。決主不起之兆。若得子孫旺動月解興隆。庶可回生。

月解交重災漸退天醫發動便回生。

月解見後吉神章內。天醫亦見後卦中。若得發動持世。或持冠用爻者。雖重病不死。旺相最吉。目下卽愈。墓絕稍慢。直待旺日方安。若值空亡。其病難療。

明夷觀賁需臨。切忌世身入墓。大畜豐同蠱夬。莫逢財鬼俱興。

凡占病怕身世隨鬼入墓決不瘥也。且如風地二爻乙巳鬼身亦在二爻設或入墓乃隨鬼入墓也。山火賁卦初爻巳卯鬼世亦在初爻倘入墓乃世隨鬼入墓也。以上四卦舉此爲例餘卦倣此。葬屏云乾化入艮父憂喪坤化入巽母憂亡震化入坤長男厄巽化入坤長女當坎化巽中中男厄離化入乾中女卒艮化風內少男傾兌化山中少女卒此是八宮來入墓十人得病九人故以上所言卦墓不可以乾化入墓艮止憂父亡但看病皆不吉。設若子占父遇乾化艮謂之應題乃大凶大害等六卦占病大忌財鬼不動未必喪亡財鬼空七雖病弗死必須把其條貫方可斷曰全凶上文所言財鬼發動亦有吉凶之分且如雷火豐卦鬼動忌占兄弟財動忌占父母及本身妻占夫終無凶倣此餘卦倣此。

男怕長生兼怕未來之節女嫌沐浴最嫌過去之辰。

男子怕鬼爻長生日得病與鬼同衰旺卦無子孫
青龍天鑿發動鬼爻墓絕日却死又云寅日遇火
鬼巳日遇金鬼申日水土鬼亥日木鬼謂之長生
鬼占者遇之大凶在後沉重方來凡决安危先以
鬼爻衰旺推斷次以節氣論之凡男怕未節近節
必重過節無傷節前不重者必無妨若是久病當
以四時節候論之且如木鬼忌秋間節氣遇節不
重過節必安女人最忌鬼爻沐浴日得病又云卯
日遇火鬼午日遇金鬼酉日遇水土鬼子日遇木
鬼謂之沐浴鬼遇之難痊至後反加沉重次看節
後必重不重無傷女
人極怕過後之節

不宜丘墓同宮安可雷風合卦

三丘五墓俱見後二爻俱動病人作福也難留雷
風者棺槨殺也震爲棺巽爲柳坤爲墓艮爲塚占
病若全

既論染災之表裏須言得病之因由

凡占病先斷症候端的然後議論病因更能明此一章誠可謂通神之卜矣

六獸臨官當分內外入宮值鬼宜別陰陽

但逢鬼臨六神看在何爻在內則在家得病在外則他處招殃青龍鬼是酒色過度或因財有傷婦人因喜有疾青龍鬼空墮胎有患朱雀鬼口舌及冤咀在二爻龕下冤咀在三爻當門冤咀或家堂神前冤咀如朱雀臨金鬼動敲銅鑑冤咀勾陳鬼飲食不節傷飢失飽脾胃不調臨木鬼因修造動土處得病螣蛇鬼事務繁心憂愁思慮或虛驚異因而染病此爻多是心家受病白虎鬼鬪跌跌蹠傷筋損骨或寒酸冲肺玄武鬼色欲過度傷飢冒雨卦若無鬼其病難鑒證候難決但以冠殺動者斷之不動以冠用爻者斷又以伏鬼斷若鬼父母下憂心得病或穿衣服得病過與不及冬言

衣單夏言衣重鬼伏兄弟下賭博爭財鬼伏子
下外情牽惹鬼伏財下飲食太過鬼伏殺下舊病
再發亦難除根老人卦忌生旺小兒卦忌休囚最
用病人本命上卦大吉也值陰鬼夜重日輕陽鬼
夜輕日重陰陽各依爻上看世人有疾病者亦有
賢愚之分賢者以醫藥爲重愚者以祈禱爲先占
者不可不察其情狀一覽其人可知高下庶幾賢
愚皆可共語其道方能流行鬼神者儒家本不言
此今爲患者之占不得不據理推詳以爲陰功默
祐木主東嶽天齊聖帝七十二司三十六案之神
并自吊傷亡水是河泊水府沿江七十二廟之神
并溺水傷亡土是瘟疫厲中央土府之神并飢
餓絕食傷十金是銜刀五道飛廉白虎金神七殺
吟呻三殺九良星殺喪殃喪殺之神并自刎被刑
陣亡一應傷亡火是南方火部赤睛朱髮鶴神毛
頭毒火之神并赴湯蹈火傷亡若二爻鬼爲竈神
福神依此推之萬無一失

外尅飛爻藥奏通神之效子臨應位醫逢濟世之才

世爲病人應及外卦爲醫藥藥如尅病病卽愈病者尅藥藥無靈外卦及應生世藥雖對症作效遲世動尅藥若是水鬼服藥不納金鬼無久病犯真服藥無效木鬼其病必犯條貫雖藥亦無益火鬼旺相其症必剛雖藥不能止其熱土鬼其病沉重藥不對症不能療病應爻加鬼犯世則悞藥損人矣占病以子孫爲醫藥臨應動尅世必遇良醫其病卽痊卦無子孫服藥無效世應比和卦無子孫宜換醫人子孫臨應被世尅雖遇良醫病不瘳卦及應雖尅世卦無福德亦難安可言有藥須當濟但恐良醫未有緣子孫雖尅世外爻及應却不好雖有良醫藥餌不中終無大害虎殺若臨子孫動須防醫者不精詳

必須參究五行方可攻醫萬病

火鬼宜涼劑水鬼宜溫劑或丸藥木鬼宜針金鬼
宜灸土鬼宜剝散火鬼月建旺宜大寒之劑無忌
不過清涼之藥餘倣此推金鬼利南方醫人木鬼
利西方醫人水鬼利四散醫人火鬼利北方醫人
土鬼利東方醫人若前卦水鬼後火鬼
先須四散醫治終于北方醫人收功

卦爻安靜重爲濟世之人土殺俱興定作黃泉之客

凡占病六爻安靜爲吉其病可治一卦中凶殺常
多而吉神常少吉凶悔吝皆出乎動動則成咎且
如六親之中不過子孫動者吉六神之中不過青
龍動者吉餘者未必皆凶亦不能爲福發動何益
于我哉此乃吉少凶多不如卦爻安靜雖有凶然
終未遭傷若有吉神當權自能爲福土殺者卽長
庚丑未是爻相換易行乎四時之間占病逢之多
凶少吉所有諸煞俱見後凶殺章內若有一件動

便成

四散

○地理章

生死稟修于前定。壽夭各盡其天年。陰陽蔭庇于後人。理義合憑其地理。

天地之間純陰不生。純陽不化。一陰一陽二氣交感。先生萬物。且如天欲降生人才。必假地之氣脈。陰陽融結。必有賢者出。故凡人子須當以親之體安厝得所。則亡者安而生者庇。

凡占風水。漫求玄妙。與玄微。且把卦爻端詳。是地不是地。六合則風藏氣聚。六衝則水走沙飛。

夫六合者。陰陽相配而不相離。初四二五三六更迭。相顧是爲有情。凡地理不過山環水抱。四獸朝吉之地。若卦無六合。世在內象。四獸有情者。乃次

吉之地也。世爻雖在外象，却得賓主有情，左右回顧，明堂寬廣，水口關鎖乃小結局，亦可用也。若遇六衝卦，乃山飛水走之地，不必更詳。

龍因地勢詳觀，卽得天玄妙理

此二句乃一
章之要旨

入山尋水口，不宜六位空亡。到穴看明堂，喜見間爻。
旺相

第六爻爲水口，與世相生，相合，是爲有情。若加青龍貴人財祿者，水口重重關鎖，必有奇峰秀嶺，拱照迴環。若第六爻與世相克，相衝，山直無情，地枯無炁。六爻若值空亡，水口散漫，不能聚炁，間爻者，世應中之二爻也。旺相臨月建，謂之萬馬明堂。有云：明堂容萬騎，水口不通風。大吉之地，明堂衆水。

所聚宜靜不宜動。靜則聚，動則傾渴。若水帶吉神生旺，間爻乃四水入明堂也。

世乃主山之骨，當明九曜之規模，應爲賓對之峰，須

察五行之定體。

世爲坐下之山，又云初爻二爻爲坐山。生旺坐山，高厚休廢空亡坐山微薄。世持巳亥寅申必定山雄地壯。世持辰戌丑未必居廣闊平洋。世持亥子穴中出水。世持辰巳帶殺，主有地風白虎帶殺。逢空土有白蟻，若臨諸吉神，則坐山尊嚴。穴中潔淨屬木必林茂，屬水必近流泉。當類而推之也。九曜詳婚姻章內旺相則吉。案山帶子孫貴人旺相，其山聳拔秀麗，若生世令，世端正有情，空亡向山，不正帶殺，逢衝乃欹斜破相之山。若應臨墓絕，必是案山低小，應若屬金，卽言金星屬水，卽言水星之類是也。

向列二十四位事分百千萬端。

木爻持世主東震寅甲卯乙金爻持世主西兌申
庚酉辛火爻持世主南離午丙巳丁水爻持世主
北坎亥癸子壬辰戌丑未
却言艮乾巽坤各有所宜

發動青龍尅世須防嫉主剛強白虎逢衝切忌昂頭

山間之龍虎卽卦中之龍虎青龍雖吉亦忌尅世
相生乃妙白虎太旺便是昂首剛強皆爲不吉

青龍斷左畔之峰白虎言右邊之嶂所喜者相生相
合所忌者相尅相衝

青龍旺帶木主林木葱蔚帶上則山嶺崔巍其秀
氣從左面來百虎盛臨水流派遠加金則巖
石青壁其秀氣從右而至
皆喜其相尅最惡其相尅

鬼在局中。必有伏屍古墓。空臨左右。豈無凹缺招

若世下有本官鬼伏藏。必有舊穴在下。左右者。龍與虎也。若見何爻空亡。便知有凹缺招風之處。

主墓穴不安。

爲不吉也。

勾陳若在世中。一路來龍振起。朱雀加臨應上。兩重對案相迎。

勾陳乃龍之祖。若在木爻或臨世上。來龍必遠也。朱雀爲案山。若臨應上。必有兩重對案。

若問螣蛇。當爲穴法。旺相與吉神共位。乃是真龍。空亡或墓絕同鄉。當爲絕穴。

卦中以螣蛇爲穴。旺相爲真龍。休囚爲絕穴。

論山既備于水合言尋亥子方知有無觀動靜可分死活。

卦中無亥子必無池塘溪澗雖在水爻却逢墓絕乃是乾流之地但看水爻動者活水靜者死水而已

要識根源遠近但看水位興衰欲推繩繞多情且察水爻生合。

水爻旺相流派綿長水位休囚根源淺近水爻相生相合主委曲有清若相克相衝主直來無死若見卦無水位便當推究玄爻。

倘六爻無水竟
將玄武爻推看

遇吉則吉。逢凶則凶。

玄武臨吉。是水干我有益。有情。
大吉。若臨凶。殺則無益。無恩。主凶。

卜筮全書卷之七